

光緒吉林通志

吉林通志卷七十七

人物志六 金五

阿里罕

鄂倫

宗甯

宗尹

宗道

宗雄

阿林

安塔哈

舍音

昂

阿里罕

原作阿
离合憲

景祖第八子也

金史
本傳

次室温特赫氏

生

昭肅皇
后傳

健捷善戰年十八

本傳

值世祖擒拉必

原作
顯帝

瑪察

原作
麻產

穆稜

原作
暮稜

水人尙反側不自安令往撫察

之又與薩布

原作斜鉢

攻烏木罕

原作窩謀罕

從薩哈

原作撒改討

平塔克

原作留

其功居多

宏簡錄

穆宗九年蕭哈里叛入

於係案女直阿克占

原作阿典

部遣其族人額特塔

原作幹達

刺

來結和曰願與太師爲友同往伐遼穆宗執額特

塔會遼命穆宗討捕哈里穆宗送額特塔於遼募軍

得甲千餘女直甲兵之數始見於此蓋未嘗滿干也

軍次混同江蕭哈里再使人來復執之旣而與哈里

遇哈里遙問曰我使者安在對曰與後人偕來是時

遼追哈里兵數千人攻之不能克穆宗謂遼將曰退

爾軍我當獨取哈里遼將許之太祖策馬突戰流矢

中哈里首哈里墮馬下遂執而殺之大破其軍

穆宗紀

使阿里罕字依

詳校本削

獻誠於遼

本傳伐遼之舉

薩哈傳

阿里罕

實贊成之及從征阿里罕在行間屢戰有功及太宗

等勸進太祖未之許也

本傳

阿里罕普嘉努

原作蒲家奴

宗

翰等進曰今大功已建若不稱號無以繫天下心太

祖曰吾將思之收國元年正月壬申朔

太祖紀

太祖卽

位阿里罕與宗翰以耕具九器爲獻祝曰使陛下毋

忘稼穡之艱難太祖敬而受之頃之爲古倫英實

原作

國論

乙室貝勒爲人聰敏辯給凡有所聞見則終身不忘

始未有文字祖宗族屬時事並能默記與色克

原作斜葛

同修本朝譜牒見人舊未嘗識聞其祖父名卽能道其部族世次所出或積年舊事偶因他及之人或遺忘輒一一辨析言之有質疑者皆釋其意義世祖嘗稱其強記人不可及也天輔三年廢疾宗翰日往問

之盡得祖宗舊俗法度疾革

史作疾病依詳校本改

上幸其家

問疾間以國家事對曰馬者甲兵之用今四方未平而國俗多以良馬殉葬可禁止之乃獻平生所乘戰馬及以馬獻太宗使其子富爾丹

原作蒲里迭

代爲奏奏

有誤語卽哂之宗翰從旁爲改定進奏訖堯年四十九歲上聞阿里罕臨薨有奏事日臨終不亂念及國

家事真賢臣也哭之慟及葬上親臨熙宗時追封隋

國王天德中改贈開府儀同三司隋國公大定間本傳

圖像衍慶宮依詳校本增配饗太祖廟廷諡曰剛憲子賽

音原作賽也鄂倫原作幹論賽音子宗尹金史本傳宗宵鄂倫子宗

道七字作詳校本增

鄂倫一名晏原作幹論阿里罕次子也景祖之孫四字明

敏多謀略通契丹字天會初烏達噶原作烏底改叛太宗

幸北京以晏有籌策召問稱旨乃命督屬從諸軍往

討之至混同江諭將士曰今叛衆依山山谷地勢險阻

林木深密吾騎卒不得成列未可以歲月破也乃具

舟楫艤江令諸軍據高山連木爲柵多張旗幟示以

持久聲言大軍畢集而發

金史本傳

潛用舟師

乃字攸宏簡錄削

浮江而下直擣其營遂大破之據險之衆不戰而潰

月餘一境皆定師還授左監門衛上將軍爲廣甯尹

入爲吏禮兩部尙書皇統元年爲北京留守改咸平

尹徙東京天德初封葛王入拜同判太宗正事進封

宋王授世襲明安海陵遷都晏留守上京授金牌一

銀牌二

本傳

在任五年

宏簡錄

累封豫王許王又改越王

貞元初進封齊時近郊禁圍獵特畀晏三百人從獵

正隆二年例削王爵改西京留守未幾爲臨潢尹遂

致仕還居會甯海陵南伐世宗爲東京留守將士皆

自淮南來歸晏之子伊塔訥

原作惠里乃

亦在軍前率衆

來歸世宗

本傳

白彥敬

本名約索

等問之使會甯同知高國

勝拘晏家族世宗卽位

宏簡錄

遣使召晏又遣晏兒子

呼拉布

原作鶴魯補

馳驛促之晏遂率宗室數人入見卽

拜左丞相封廣平郡王宴勞彌日未幾兼都元帥大

定二年正月上如山陵禮畢上將獵有司已夙備晏

諫曰邊事未甯畋游非所宜也上嘉納之因謂晏等

曰古者帝王虛心受諫朕常慕之卿等盡言毋隱進

拜太尉復致仕還鄉里是歲薨詔有司致祭賻贈銀

幣甚厚

金史本傳

宗甯本名阿多古

原作阿土古

賽音之子

宏簡錄

正隆六年

本起家爲征南都統從海陵戰瓜洲渡功最

宏簡錄 歷

祁州刺史太定二年爲會甯府路押軍萬戶擢歸德

軍節度使時方旱蝗宗甯督民捕之得死蝗一斗給

粟一斗數日捕絕移鎮甯昌軍改知臨潢府事移天

德軍世宗嘗謂宰臣曰宗甯志慮雖淺所至人皆愛

之卽命爲行軍右翼都統爲賀宋正旦使累遷兵部

尙書授隆州路和屯明安羅里茂

原作烈里沒

世襲穆昆

出知大名府事徙鎮利涉軍俄同簽大陸親府事宗

甯多病世宗欲以涼地處之俾知咸平詔以其子符
寶郎直爲韓州刺史以便養無幾入授同判大陸親
府事拜平章政事明昌二年薨宗甯性勤厚有大志
居家約儉如寒素臨事明敏其鎮臨潢鄰國有警宗
甯聞知乏糧卽出倉粟令以牛易之敵知得粟卽遣
去邊人以幹罕原作窩幹亂後苦無牛宗甯復令民入粟
易牛旣而民得牛而倉粟倍於舊其經畫如此金史本傳
聞者稱之瑛都傳

宗尹本名阿里罕賽音之子初充護衛宏簡錄改牌印
祇候爲右衛將軍歷順天歸德彰化唐古部族橫海

軍節度使正隆南伐領神略軍都總管先鋒渡淮取

揚州及瓜州渡大定二年改河南路副都統駐軍諸

州之境是時宋陷汝州殺刺史烏克遜原作烏古孫滿丕

原作麻發及漢軍二千人宗尹遣萬戶富珠哩原作李定

方完顏阿呼喇原作阿喇瓜爾佳原作夾谷清臣烏庫哩原作

烏古薩哈克楚額哲原作渠將騎四千往攻之遂

復汝州除大名尹副都統如故頃之爲河南路統軍

使遷元帥左都監除南京留守上曰卿年少壯而心

力多滯前任點檢京尹勤力不怠而處事迷錯勉修

職業以副朕意賜通犀帶殿馬八年置山東路統軍

司宗尹爲使遷樞密副使錄其父功授世襲扶餘路屯河明安并親管穆昆除太子太保樞密副使如故上問宰臣曰宗尹雖才無大過人者而性行淳厚且國之舊臣昔爲官卿等尙未仕也

史作未信依詳校本改

朕欲

以爲平章政事何如宰執皆曰宗尹爲相甚協眾望卽日拜平章政事封代國公兼太子太傅是時民間苦錢幣不通上問宗尹對曰錢者有限之物積於上者滯於下所以不通海陵軍興爲一切之賦有菜園房稅養馬錢大定初軍事未息調度不繼故因仍不改今天下無事府庫充積悉宜罷去上曰卿留意百

姓朕復何慮太尉守道老矣舍卿而誰於是養馬等

錢始罷他日謂宰臣曰宗尹治家嚴密他人不及也

顧宗尹曰政事亦當如此矣有頃北方歲饑軍食不

足廷議輸粟振濟或謂此雖不登而舊積有餘秋成

在近不必更勞輸輓宗尹曰國家平時積粟本以備

凶歲也必待秋成則憊者眾矣人有捐瘠其如防成

何上從之本傳時詔凡承襲人不識女直字者勒令學

習會宗尹子尼楚赫襲明安守道子神果努原作神果奴

襲穆昆上嘗識二子但習漢字未習女直字自今著

令女直契丹漢字曾學其一即許承襲宏簡錄宗尹有

疾不能赴朝上問宰臣曰宗尹何爲不入朝太尉守道以疾對上曰丞相志甯嘗言若詔遣征伐所不敢

辭宰相之職實不敢當宗尹亦豈此意耶二十四年

世宗將幸上京上曰臨潢烏庫哩實壘

原作石壘

歲皆不

登朕欲自南道往三月過東京謁太后陵寢五月可

達上京春月烏獸孳孕東作方興不必蒐田講事卿

等以爲何如宗尹曰南道歲熟芻粟賤宜如聖旨遂

由南道往焉世宗至上京聞同簽大宗正事宗甯不

能撫治上京宗室

本傳

子孫往往不事生業令察其子

隨宜懲戒奏曰隨仕之子父沒不還本土以此多好

遊蕩命召還之及宴宗室於皇武殿擊毬爲樂語以

其間人材孰可用者因舉奉國公威準

原作
韓準

子按春

原作安
出虎

豫國公昱曾孫阿魯

原作
阿魯

可任使

宏簡
錄

上曰

度可任以何職更訪其餘以聞詔以按春阿魯爲奉

御

本

二十七年乞致仕詔卿久任外官不聞有過失

但恨用卿稍晚今精力似衰若勉留卿四方恐以爲

私今雖致仕將居何所朕欲留卿時相從遊如何

宏簡

錄

宗尹曰臣豈不欲在此但餘閑之年猶在輦下恐

聖主心困耳旣衰老臣不忍擯棄時時得瞻望天顏

臣豈敢他往

本

况鄉里故老亦無存者

宏簡
錄

雖到彼

尙將與誰遊乎於是賜甲第一區凡宴集畋獵皆從

焉二十八年薨

金史本傳

宗道本名巴克實

原作八十

上京司屬司人鄂倫

原作少幹論

子也

系出景祖四字依詳校本削

通周易孟子善騎射大定五年

充閣門祇候累除近侍局使右丞相烏庫哩

原作烏古論

元忠左衛將軍

衛字依詳校本增

布薩

原作僕散

授等嘗燕集有

所竊議宗道卽密以聞世宗嘉之授右衛將軍出爲

西南路副招討章宗卽位改同知平陽府事陝西路

副統軍左宣徽使伊剌

原作移剌

仲方舉以自代除西北

路招討使故事賀馬

史作駕馬依詳校本改

八百餘匹宗道辭

不受諸部悅服邊鄙順治提刑司察廉召爲殿前右副都點檢尋除陝西路統軍使以鎮靜得軍民心特遷三階兼知京兆府時夏旱俾長安令取太白湫水步迎於遠郊及城而雨是歲大稔人以爲精意所感

刊石紀之承安二年爲賀宋正旦使尋授河南路統

軍使

金史本傳

泗州民張偉負楚州賈人王萬貨錢五千

餘貫三年不償萬理索誣以言彼界事情

宏簡錄

宗道

疑其冤

本傳

廉問果得實乃坐偉而歸萬人服其明

宏簡

錄

後乞致仕朝廷知非本心改知河中府有惠政民

立像於層觀以時祭之移知臨洮以病解泰和四年

卒贈龍虎衛上將軍

金史本傳

宗雄本名摩囉歡

原作謀良虎

康宗長子其始生也世祖

見而異之曰此兒風骨非常他日必爲國器

金史本傳

解佩刀置其側俟成人則使佩之

宏簡錄

九歲能射逸

兔年十一射中奔鹿世祖坐之膝上曰兒幼已然異

日出倫輩矣以銀酒器賜之既長風表奇偉善談辯

多智略孝敬謙謹人愛敬之康宗沒遣使阿息保來

本徑騎至康宗殯所閱賙馬欲取之太祖怒將殺之

宗雄諫而止二年甲午

本紀

太祖將舉兵

本傳

謂諸將佐

曰遼人知我將舉兵集諸路軍備我必先發制之

無爲人制紀本宗雄曰遼主驕侈又不知兵不能擒一

蕭哈里

原作海里

而我兵擒之可取也

可取也三字本傳在又不知兵下依

詳校本

太祖善其言攻甯江州渤海兵銳甚宗雄以

所部敗渤海兵以功授世襲千戶穆昆太祖敗遼兵

於珠赫店

原作出河店

宗雄摧鋒力戰功多達嚕噶

原作達魯

古城之役傳本

命將右軍身先士卒遼兵已卻復助左

軍繞出其後擊之遼眾大潰

宏簡錄

乘勝逐北日已暮

圍之黎明遼兵突圍出追殺至頁嚕伯奇

原作乙呂伯石

還上撫其背曰朕有此子何事不濟以御服賜之及

遼帝以七十萬眾至圖們

原作地們

諸將皆曰遼兵勢盛

不宜速戰宗雄曰不然遼兵雖盛而皆庸將士卒惴惴不足畏也戰則破之掌握問耳上曰善追及遼帝

於呼岱巴

原作護步答

岡宗雄率眾直前短兵接宗雄令

前行者持梃擊遼兵馬首後行者戮之大敗遼兵上

嘉宗雄功執其手勞之以御衣及御戰馬寶貨奴

婢賜之舍音

原作斜也

攻春州宗雄與宗幹羅索

原作婁室取

金山縣行近白鷹林獲候者七人縱其一人使歸縣

人聞大軍至迺潰遂下金山縣與舍音俱取泰州太

祖自將取臨潢府遣宗雄先啟行遇遼兵五千宗雄

與戰大軍亦至大破之及留守托卜嘉

原作撻不野

降上

以其女與宗雄賞其啟行破遼兵之功也既而與普

嘉努

原作蒲家奴

按視泰州地土奏曰其土如此可種植

也上從之由是徙萬餘家屯田泰州

宗雄等言四字
依詳校本削

西京既降復叛時糧餉垂盡議欲罷攻宗雄曰西京

都會也若委而去之則降者離心遼之餘黨與夏人

得以窺伺矣乃立重賞以激士心既而夜中有火大

如斗墮於城中宗雄曰此城破之象也及克西京賜

宗雄黃金百兩衣十襲及女婢等與宗翰等擊耿守

忠兵七千於西京之東四十里大破之迎謁太祖於

鴛鴦渚從至歸化州疾篤宗翰問所欲言宗雄曰國

家大業既成主上壽考萬年四方肅清死且無恨天
輔六年薨年四十六太祖來問疾不及見哭之慟謂羣

臣曰此子謀略過人臨陣勇決少見其比賻贈加等

詔哈濟

原作合扎

千戶駙馬實嘉努

原作石家奴

護喪歸葬於

上京

史作歸化州
依詳校本改

仍於死所建佛寺宗雄好學嗜書

嘗從上獵誤中流矢而神色不變恐上知之而罪及

射者既拔去矢託病歸家臥兩月因學契丹大小字

盡通之凡金國初建立法定制皆與宗幹建白行焉

及與遼議和書詔契丹漢字宗雄與宗翰希尹

原作古新

主其事而材武驍捷挽強射遠幾三百步嘗走馬射

三廢已中其二復彎弓馬蹶躍而下控弦如故遂戮

滿步射獲之宗雄方逐兔達蘭

原作
揮灑

亦從後射之已

發矢達蘭大呼曰矢及矣宗雄反顧以手接其矢就

射兔中之其輕捷如此天眷中追封太師齊國公天

德二年加秦漢國王正隆二年改太傅金源郡王大

定八年

史作二年依
詳校本改

追封楚王諡威敏配享太祖廟

廷十五年圖像於衍慶宮子富勒呼

原作蒲
魯虎

安塔哈

原作按

阿林

原作阿鄰
金史本傳

長子富勒呼襲猛安卒孫和

勒端

原作
桓端

襲卒子雲闕

原作
畏頻

未襲而死孫富德

原作
蒲帶

襲之

宏簡
錄

富德大定末累官同簽大睦親府事章宗

初卽位初置九路提刑司富德爲北京臨潢提刑使
詔曰朕憂勞萬民每念刑獄未平農桑未勉吏或不
循法度以隳吾法朝廷遣使廉問事難周悉惟提刑
勸農采訪之官自古有之今分九路專設是職爾其
盡心往懋乃事自熙宗時遣使廉問吏治得失世宗
卽位凡數歲輒一遣黜陟之故大定之間郡縣吏皆
奉法百姓滋殖號爲小康或謂廉問使者頗以愛憎
立殿最上以問宰相上字依詳
校本增宰相曰臣等復爲陛
下察之是以世宗嘗欲立提刑司而未果章宗追述
先朝遂於卽位之初行之及九路提刑使朝辭於慶

和殿上曰建立官制當寬猛得中凡軍民事相涉者均平決遣鈴束家人部曲勿使沮擾郡縣事今以司獄隸提刑司惟冀獄犴無冤耳既退復遣近臣諭之曰卿等皆妙簡才良付以專責盡心舉職別有旌賞否則有罰明年富德乃襲明安云

金史本傳

阿林

原作阿鄰

宗雄子

宗雄傳

穎悟辯敏通女直契丹大小

字及漢字幼時嘗入宮熙宗見而奇之曰是兒他日必能宣力國家年十八授定遠大將軍爲順天軍節度使天德二年用廉遷益都尹兼山東東路兵馬都總管歷秦宥定海鎮西安國等軍節度使海陵南伐

以爲神勇武平等軍都總管由壽州道渡淮與勸農

使伊喇

原作移刺

元宜合兵三萬爲先鋒是歲十月至廬

州與宋將王權軍十餘萬戰於柘臯鎮蔚子橋至和

州南復與王權軍八萬餘會戰又敗之追殺至江上

斬首數千級世宗卽位於遼陽

史作上卽位依詳校本改

海陵死

大軍北還將渡淮而舟楫甚少軍士爭舟不得亟渡

阿林得生口知可涉處識以柳枝命本部涉濟旣至

北岸而諸軍之爭渡者果爲宋軍邀擊之及入見上

聞阿林淮上戰功又以全軍還遷兵部尙書監督經

畫征幹罕

原作窩幹

諸軍糧餉授以金牌一銀牌四幹罕

敗還至懿州以疾卒喪至京師上命致祭於永安寺

百官赴弔賻銀五百兩重綵三十端絹百匹

金史本傳

安塔哈

原作按答海

又名鄂勒歡

原作阿魯綰

宗雄次子也性

端重不輕發有父之風年十五太祖賜以一品徽二

十餘御毬場分朋擊毬連勝三筭宗工舊老咸異之

進呈所勝禮物安塔哈爲班首太宗喜曰今日之勝

此孫之力也賞之獨厚天眷二年襲父明安除太宗

正丞以明安護兄子和勒端

原作桓

加武定軍節度使

奉朝請改侍衛親軍都指揮使封金源郡王進譚王

遷同判大宗正事別授世襲明安海陵將遷中都安

塔哈諫曰棄祖宗興王之地而他徙非義也海陵不悅留之上京久之進封鄆王改封魏王除濟南尹安塔哈不堪卑溼多在病告海陵聞之改西京留守正隆例奪王爵改廣甯尹世宗卽位於東京赦令至廣甯

金史本傳

其弟雅爾堅

原作燕京

勸拒弗受言甚指斥安塔

哈曰此府迫近遼陽勢不能抗聊且受之從諸郡上謁東京有司議持兩端請併誅之上以安塔哈爲弟所惑若正隆剪刈宗室朕不可效特命釋之獨誅雅爾堅

宏簡錄

不數日復判大宗正事再遷太子太保封

蘭陵郡王改勸農使海陵時自上京徙河間土瘠詔

安塔哈一族二十五家從便遷居近地乃徙平州詔
給平州官田三百頃屋三百間宗州官田一百頃進
金源郡王致仕大定八年召見上曰宗室耆老如卿
者能幾人耶賜錢萬貫甲第一區留京師使預巡幸
毬獵宴會十四年薨年六十七臨終戒諸子曰汝輩
勿以生富貴中而爲暴戾宜自謙退海陵以猜忌翦
滅宗室我以純謹得免耳汝輩惟日爲善勿墜吾家

金史
本傳

舍音一名杲

原作
斜也

世祖第五子太祖之母弟也

金史
本傳

從太祖伐遼

威赫
傳

始至遼界一戰而勝

薩哈
傳

收國元

年太宗爲安班貝勒杲爲溫

原作吳

貝勒

薩哈傳作曩太祖紀作國

論

天輔元年杲以兵一萬攻泰州下金山縣孟古

原作

女脾室四部及渤海人皆來降遂克泰州

金史本傳

移城

中積粟於烏哩雅

原作烏林野

振先降諸部因徙之內地

五年爲烏赫哩

原作胡魯

貝勒都統內外諸軍取遼中京

錄

宏簡寶北京也

金史本傳

謀知遼人欲焚芻糧徙居民遼

去奚王錫默

原作霞末

則欲視我兵少則迎戰若不敵則

退保山西其實皆無關志杲乃委輜重以輕兵擊之

六年正月克高恩回紇三城遼兵聞風不戰而潰遂

克中京獲馬一千二百牛五百驢一百七十羊四萬

七千車三百五十兩乃分兵屯守要害之地駐兵中
京使使奏捷獻俘詔曰汝等提兵於外克副所任攻
下城邑安撫人民朕甚嘉之分遣將士招降山前諸
部計已撫定山後若未可往卽營田牧俟秋大舉更
當熟議見可則行如欲益兵具數以上無恃一戰之

勝輒自弛慢善撫存降附宣諭將士使知朕意完顏

罕都

原作
徽都

兵出京南遇騎兵三十餘給曰明且

來降於此

金史
本傳

梟信之使溫特赫額呼春

原作溫
痕阿里出

等往迎兵乃圍之納哈塔

原作
納合

通恩

原作
鈍恩

等下馬據

坂皆殊死戰因敗錫默追殺至暮而還

宏簡
錄

宗翰降

北安州金史本傳移書請進兵襲遼主杲意未決宗幹勸

杲當從其策乃約共會奚王嶺始定議出青嶺期羊

城灤會軍襲擊遼主由草灤西走其都統瑪格原作馬哥

趨道爾原作擣里宗翰遣達爾原作撻懶往擊兵祇一千杲益

之獲遼樞密使德勒岱等卷簡錄西京已降復叛杲使

招之不從遂攻之留守蕭察喇踰城降四月復取西

京杲率大軍趨白水灤分遣諸將招撫未降州郡及

諸部族於是遼秦晉國王耶律聶哱原作捏里自立於燕

京金史本傳天祚既奔夾山宰相李處溫都統蕭幹率燕

京數百人勸進聶哱自號天錫皇帝改元建福大金志紀

山西諸城雖降而人心未固梟遣宗望奏事仍請上

臨軍耶律坦招西南招討司及所屬諸部西至夏境

皆降耶律佛德

原作佛頂

亦降於坦金肅西平二郡漢軍

四千叛去坦與愛新鄂約

原作沙兀野

托卜嘉

原作不野

簡

料新降丁壯迨夜襲之詎旦戰於河上大敗其衆皆

委仗就擒耶律聶呀移書於梟請和梟復書責以不

先稟命上國輒稱大號若能自歸當以燕京留守處

之聶呀復以書來其略曰昨卽位時在兩國絕聘交

兵之際奚王與文武百官同心推戴何暇請命今諸

軍已集倘欲加兵未能束手待斃也昔我先世未嘗

殘害大金人民寵以位號日益強大今忘此施欲絕
我宗祀於義何如也倘蒙惠顧則感戴何有窮已杲
復書曰閣下向爲元帥總統諸軍任非不重竟無尺
寸之功欲據一城以抗國兵不亦難乎所任用者前
旣不能死國今誰肯爲閣下用者而云主辱臣死欲
恃此以成功計亦疎矣幕府奉詔歸者官之逆者討
之若執迷不從期於殄滅而後已聶將乃遣使請於
太祖賜聶將詔曰汝遼之近屬位居將相不能與國
存亡乃竊據孤城僭稱大號若不降附將有後悔六
月上發京師詔都統曰汝等欲朕親征已於今月朔

且啟行遼主今定在何許可以計取之其具以聞杲

使馬和尙奉迎太祖於塔魯

原作捷魯

河幹魯羅索

原作斐室

敗夏將李良輔杲使完顏希尹

原作古新

等奏捷且請徙

西南招討司諸部於內地希尹等見上於大遼西南

上嘉賞之上至鴛鴦灤杲上謁上追遼主於古爾珍

原作回

川南伐燕京次奉聖州詔曰自今諸訴訟書

付都統杲決遣若有大疑卽令聞奏太祖定燕京遷

次鴛鴦灤以宗翰爲都統杲從上還京師太宗卽位

以杲爲安班貝勒與宗幹俱治國政天會三年伐宋

杲領都元帥居京師宗翰宗望分道進兵四年再伐

宋獲宋二主以歸天會八年薨皇統二年追封遼越
國王天德二年配享太祖廟廷正隆例封遼王太定
十五年圖像衍慶宮

五字依詳
校本增

諡曰智烈子博濟

原作

李吉金
史本傳

璜都一名昂

原作
奔睹

景祖弟伯赫

原作
李黑

之孫咱幹

原作
斜幹

之子

金史
本傳

年十五侍太祖會令數人兩兩角力太祖

願之曰汝能此乎對曰有命敢不勉遂連仆六人太

祖喜曰汝吾宗弟自今勿遠左右居數日賜金牌令

佩以侍

宏簡
錄

年十七太祖伐遼謂之曰汝可擐甲從

軍矣昂遂佩所賜金牌從軍天輔六年

金史
本傳

都統杲

遣與思忠詣宗翰追遼主於鴛鴦濼平燕策功賜甲

第一區天會二年南京叛棟摩遣與劉彥宗分兵討

之宗望伐宋承制拜爲河南諸路兵馬都統稱金牌

郎君及攻汴以兵三千爲宗弼前鋒時遣使入城宋

人不納比暮昂兵千人先馳至北門諭之以事遂得

入

宏簡錄

宗望至汴合棟摩達蘭

原作

等屯於城之東

北隅慮宋主遁去遣昂等率輕騎環城巡邏所領止

八穆昆遇敵萬人與戰敗之其步軍溺死於汴者過

半七年大軍渡江敗宋兵於江上帥府遣昂等以兵

追宋主宋主入於會稽若爲堅守計有兵數千列陣

於郭東竹葦間諸將欲擊之昂曰此詐也不若急攻
城不然將由他門逸去諸將猶豫未決而宋主果於
他門以單舟入海不獲而還宗弼經略熙秦遣昂與
薩里罕原作撒領兵八千攻取河西郡縣遂取甯洮

安隴二寨進至河州其通判率士民迎降攻樂州其
都護及河州安撫使郭甯偕降復進取三寨至西甯
州都護許居簡以城降吐蕃酋長之孫趙鈐轄率其
所部木波首領五人來降昂別領軍四千往積石降
其軍及所部五寨官吏追吐蕃鈐轄等十二人至廓
州招之不下攻取之天眷元年授鎮國上將軍除東

平尹明年夏宋將岳飛以兵十萬號稱百萬來攻東
平城中軍止五千倉卒出禦之時桑柘方茂昂使多
張旗幟於林間以爲疑兵自以精兵陳於前敵不敢
動相持數日而退昂勒兵襲之至清口宋兵泛舟遊
水而去時霖雨晝夜不止昂乃附水屯營夜將半忽
促眾北行諸將諫曰軍士遠涉泥淖餓憊未食恐難
遽行昂怒不應鳴鼓督之下令曰鼓聲絕而敢後者
斬遂棄營去幾二十里而止是夜宋人來劫營無所
得而去諸將入賀且問其故昂曰公流而下者走也
沂流而上者誘我必追也今大雨泥淖彼舟行安我

陸行發士卒饑乏弓矢敗弱我軍居下流勢不便利
其襲我必矣眾皆稱善岳飛復以兵十萬圍邳州甚
急城中兵纔千餘守將懼遣人求救昂曰爲我語守
將我嘗至下邳城西南隅有堊深丈餘可速實之守
將如其教填之敵果自此穴地以入知有備遂止昂
舉兵以爲聲援宋兵乃退在東平七年改益都尹遷
東北路招討使改崇義軍節度使遷會甯牧天德初
改安武軍節度使遷元帥右都監轉左監軍授上京
路移里閔幹魯瑄原作河世襲明安海陵曰汝有大
功一明安不足酬也益以四穆昆昂受親管穆昆餘

三穆昆讓其族兄弟拜樞密副使轉太子少保進樞密使尙書左丞相久之拜太尉封瀋國公進太保判

大宗正事封楚國公累進封莒衛齊兼樞密使太保

如故

金史本傳

海陵南伐爲左領軍大都督因辭濟江舟

小海陵怒詔與富勒瑄

原作蒲盧瑄

明日先濟昂懼欲亡

去抵暮海陵遣人止之既而軍變使人至南京殺太

子光英遣其子宗浩與增牌印祇候輝罕

原作回海

奉表

入賀見日世宗深加慰勞進封漢國公

宏簡錄

拜都元

帥太保如故置元帥府於山東經略邊事未幾奉遷

睿宗皇帝梓宮於山陵以昂爲敢葬使事畢還山東

三年召至京師以疾薨年六十四上爲輟朝親臨奠
賻銀千兩重綵五十端絹五百疋昂在海陵時縱飲
沈酣數日不醒海陵聞之常面戒不令飲得聞輒
飲如故大定初還自揚州妻子爲置酒私第未數行
輒臥不飲其妻大氏海陵庶人從母姊也怪而問之
昂曰吾本非嗜酒者但向時不以酒自晦則汝弟殺
我久矣今遭遇明時正當自愛是以不飲聞者稱之
睦於兄弟尤善施予其親族有貧困者必厚給之至
於茵帳衣衾器皿僕馬之屬常預設於家卽命駕相
就爲具歡樂終日盡以遺之卽日使富足人或以爲

子孫計爲言答曰人各有命但使其能自立爾何至
爲子孫奴耶君子以爲達

金史
本傳

吉林通志卷七十八

人物志七 金六

宗翰

宗望

齊文
京

宗磐

宗固

宗翰本名尼瑪哈

原作粘沒喝

漢語訛爲尼堪

原作粘罕 金史本傳

小名烏家奴一名粘漢言其貌類漢兒後改名宗維

大金志傳

國相薩哈

原作撒改

之長子也

金史本傳

大金志傳作父師阿廬里移

資字極烈後雖貴襲其官加於見授官銜上

姿貌雄傑能被甲周貫馬腹

驍捷如風輪劍入敵人莫敢當幼時嬉戲爲部伍擊刺之法有居後者擊之以鞭性特嚴酷殘忍沈擊多

謀遇戰時號令其下騎者騎步者步同顧者斬所以

每戰必勝也武元初起時纔有千騎大金志傳宗翰年十

七軍中服其勇及議伐遼宗翰與太祖意合太祖敗

遼師於境上獲耶律色寶原作謝十金史本傳薩哈在別路太祖

紀使與宗翰字飯詳按本削完顏希尹原作來賀捷金史本傳因勸

進收國元年正月壬申朔太祖紀太祖卽位薩哈傳國號

大金遼遣都統鄂爾多原作訛里朵騎二十萬步七萬戍

邊太祖紀女直以眾寡不敵謀降獨宗翰希尹羅索原作

婁妻曰我殺遼人已多降必見剿不如以死拒之宗翰

奮鐵搦直前諸將隨之大金志傳大敗遼人於達噶原作

達魯城金史自是乘勝入黃龍府五十餘州浸逼中

京多其力也大金志傳天輔五年四月宗翰奏曰遼主失

德中外離心我朝興師大業既定而根本弗除後必

爲患今乘其釁可襲取之天時人事不可失也太祖

然之卽命諸路戒備軍事五月戊戌射柳宴羣臣上

顧謂曰宗翰字依今議西征汝前後計議多合朕意

宗室中雖有長於汝者若謀元帥無以易汝汝當治

兵以俟師期上親酌酒飲之且命之爵解御衣以衣

之羣臣言時方暑月乃止無何爲伊拉齊原作貝勒

副普嘉努原作西襲遼帝不果行十一月宗翰復

請曰諸軍久駐人思自奮馬亦壯健宜乘此時進取

中京羣臣言時方寒太祖不聽竟用其策

金史本傳
史作用

宗翰策依
詳校本改

辛丑以烏赫哩

原作
胡魯

貝勒杲爲內外諸軍

都統以昱宗翰宗幹宗望宗磐

紀作盤依
宗磐傳改

等副之太祖

紀

宗峻領哈濟明安皆受金牌伊都

原作
余階

爲嚮導取

中京實北京既克中京宗翰率偏師趨北安州與羅

索圖克坦

原作
徒單

綽里合兵大敗奚王薩滿

原作
霞末

北安

遂降

金史
本傳

註軍趨希尹經略近地獲遼護衛耶律錫

里

原作習
泥烈

知遼主獵於鴛鴦濼西北西南兩路兵馬

皆羸弱不可用使努延溫敦伊喇保

原作壽登
都移刺保

溫報

都統杲遼主窮迫猶事改獵不恤危亡兼自殺其子

臣民失望眾益離心攻取之策幸速見諭杲使瑣都

原作奔駭來報頃奉詔旨不令便趨山西當詳審徐議時

已整眾伺候兵期及瑣都至恐失機會決策進兵簡

錄使伊喇保復往報都統曰金史初受命許便宜從

事遼人可取其事已見一失機會後難圖矣今以精

兵六千出瓢嶺以襲遼主當與大軍會於何地又聞

遼主將自五院司來拒戰乃倍道兼行一宿而至遼

主遂去左簡錄西京復叛耿守忠以兵五千來救至城

東四十里富察烏里固納原作先擊之斬首千

餘宗翰宗雄宗峻繼至宗翰率麾下自其中衝擊之
使餘兵去馬從旁射之守忠敗走其眾殲焉宗翰弟
扎巴台原作扎保迪沒於陣天眷中贈扎巴台特進云宗

翰已撫定西路州縣部族謁上於行在所遂從上取

燕京燕京平

金史本傳賞以金器有差

宏簡錄

太祖旣以燕

京與宋人乃還軍次駕駕溧不豫將歸京師以宗翰

爲都統齋

原作貝勒昱德特

原作貝勒幹魯副之駐

疊

軍雲中

金史本傳

初與南宋通和已議還燕京六州地宗

翰不從指地圖曰欲作夏國往來次舍勿復言其後

宗翰欲止割涿易兩州

大金志傳

太祖曰海上之盟不可

忘也我死汝則爲之蓋海上初約燕人歸南朝奚契

丹渤海人皆屬金國也

大金志

太宗卽位詔宗翰曰奇

爾以方面當遷官資者以便宜除授以空名宣頭百

道給之

金史本傳

天會二年

太宗紀

宋人來請割諸城宗翰

報以武朔二州請曰

史有宗翰字依詳按本傳

宋人不歸我叛亡

阻絕燕山往來道路後必敗盟請勿割山西郡縣太

宗曰先皇帝嘗許之矣當付之諸將獲耶律瑪格

原作

馬哥宗翰歸之京師詔以馬七百匹給其

史作宗翰重依詳按本改

軍以田種千石米七千石振新附之民詔曰新附之

民比及農時度地以居之宗翰請分宗望達蘭

原作捷漢

實古納

原作迪古乃

精兵討諸部詔曰宗望軍不可分別

以精銳五千給之宗翰朝太祖陵入見上奏曰先皇帝時山西南京諸部漢官軍陣皆得承制除授今南京皆循舊制惟山西優以朝命詔曰一用先皇帝燕京所降詔敕從事卿等度其勤力而遷授之宗翰復奏曰先皇帝征遼之初圖宋協力夾攻故許以燕地宋人既盟之後請加幣以求山西諸鎮先皇帝辭其加幣盟書曰無容匿逋逃誘擾邊民今宋數路詔納叛亡厚以恩賞累疏叛人姓名索之童貫嘗期以日月約以誓書一無所致盟未期年今已如此萬世守

約其可望乎且西鄙未甯割付山西諸郡則諸軍失屯據之所將有經略或難持久請姑止勿割上悉如所請上以宗翰經略夏國奉表稱藩深嘉其功以馬十匹使宗翰自擇二匹餘賜羣帥及幹魯奏宋不遺歲幣戶口事且將渝盟不可不備太宗命宗翰取諸路戶籍按籍索之而棟摩原作悶母再奏宋人敗盟有狀宗翰宗望俱請伐宋於是安班貝勒杲領都元帥居京師宗翰爲左副元帥自太原路伐宋金史本傳宋朝聞其南侵詔童貫再行貫遣馬擴往使且交蔚應州飛狐靈邱縣至境嚴兵以待止許吏卒三人從乃趣庭

參如見國主禮首讓山後事宗翰曰大聖皇帝初與
趙皇跨海交好各立誓書萬世無敎不謂貴朝陰納
張覺收燕京逃去官民本朝累贖返遣第以虛文見
給今當略辨是非擴曰本朝緣諱積昧大計輕從張
覺之請上每悔之願相國存舊好勿以前事置懷乞
且交蔚應州飛狐靈邱兩縣宗翰曰爾尙欲兩州兩
縣耶山前山後我家地尙復奚論汝家別割數州來
可贖罪也和議遂格大金志紀宗翰發自河陰遂降朔州
金史本傳將侵代州之境嚴戒部伍整肅器械慮家計棄
難取遂分兵由胡谷寨入焉謂希尹伊都曰今日至

代州與南軍必有數戰初戰不無勞力其餘可乘勝

破矣既行越家計寨直至代州並無一戰代州守臣

李嗣本率吏民請命忻州石嶺關聞風皆降忻州守

賀權知勢不敢閉門張樂以迓之如入無人之境直

趨太原

大金志紀

收宋河東陝西軍四萬於汾河之北殺

萬餘人

宏簡錄

宋義勇將劉嗣初領眾四千先屯平陽

會金人已圍太原謀襲京師嗣初聞之密遣人開道

獻平陽宗翰復爲鎖城法以因太原鎖城法者於城

外矢石不及之地築城環繞分人防守敗朔州守臣

孫翊於太原城下翊沒於陣繼敗府州守臣折可求

於交城於是金人益熾

大金志紀

宗望自北河趨汴久不

聞問遂留尼楚赫

原作銀尤可

等圍太原宗翰率師而南

降定諸縣及威勝軍下隆德府實潞州

金史本傳

既逾南

北關仰而歎曰關險如此而使我過之南朝可謂無

人矣遂至隆德城中素無備三日而破守臣張確死

之

大金志紀

軍至澤州宋使至軍中始知割三鎮講和事

路允迪以宋割太原詔書來太原人不受詔宗翰取

文水及盂縣復留尼楚赫圍太原乃遣山西

宗翰字依詳校

本宋少帝誘蕭仲恭詣書伊都以興復遼社稷以動

之蕭仲恭獻其書詔復伐宋

本傳

四年八月庚戌

太宗紀

發自西京九月丙寅克太原

宗翰字依呼沙呼原作詳校本

渾

取平遙降靈石介休孝義諸縣

金史本傳始攻太原久

不下乃於城外築舊城居之號元帥行府已而歸雲

中留尼楚赫攻城至是宗翰自雲中復至乘勝急攻

城破盡殺勝韃軍帥臣張孝純被禽繼又釋而用之

副總管王稟負原廟太宗御容赴水而死督運韓總

以下死者三十六人圍城凡二百六十日城中軍民

餓死者十八九固守不下至是始破宋下哀痛之詔

命兩河互相救援時二帥會議再征宋闕

大金國志諸將

猶以爲難

大金志傳

希尹曰今河東已得太原河北已得

眞定二者乃兩河領袖也乘此之勢可先取兩河俟
兩河既定徐取東京未晚今若棄兩河先取東京儻
有不利則兩河非我所有兼太子向到東京不能取
之宗望未有語宗翰佛然以手去貂帽擲之於地謂
諸將曰東京國之根本我謂不得東京兩河雖得而
莫守苟得東京兩河不取可自下向東京不能得者
以我不在彼也今我若行得之必矣又舒右手作取
物之狀曰我今若取東京如運臂取物得之矣大金志
銳意請行大金國志宗望忻然稱善諸將不敢沮之南
征之計遂決於是二帥分歸本路大金志十一月甲子

宗翰自太原趨汴降威勝軍克隆德府遂取澤州薩

喇達

原作敏
刺答

等先已被天井關進逼河陽破宋兵萬

人降其城宗翰攻懷州克之丁亥渡河閏月至汴史

宗翰字依
詳校本削

與宗望會兵

金史
本傳

至城下見城上守禦以

爲難破先欲講和

大金國
志本傳

約盡河爲界

金史
本傳

宗翰曰

城不難破城上人多多則易亂及破城日遣入壯士

先登城上果亂散走

大金國
志本傳

丙辰尼楚赫等克汴州

辛酉宋少帝詣軍前舍青城十二月癸亥少帝奉表

降詔元帥府曰將帥士卒立功者第其功之高下遷

賞之其殞身行陣沒於王事者厚卹其家賜貲官爵

務從優厚使勦就軍中勞賜宗翰宗望使皆執其手

以勞之

金史本傳五年四月

太宗紀

以宋二主及其宗族四

百七十餘人與大軍北還

金史本傳

凡法駕鹵簿皇后以

下車輅鹵簿冠服祖器法物大樂教坊樂器祭器八

寶九鼎圭璧渾天儀銅人刻漏占器景靈宮供器太

清樓秘閣三館書天下州府圖及官吏內人內侍伎

藝工匠府庫蓄積爲之一空

宋欽宗紀

七月賜宗翰鐵券

除叛逆外餘皆不問賜與甚厚宗翰奏河北河東府

鎮州縣請擇前資官良能者任之以安新民上遣耶

律暉等從宗翰行詔黃龍府路南路東京路於所部

各選如耶律暉者遣之宗翰遂趨洛陽宋董植以兵
至鄭州鄭州人復叛宗翰使諸將擊董植軍復取鄭
州遂遷洛陽襄陽潁昌汝鄭均虜唐鄧陳蔡之民於
河北而遣羅索平陝西外郡是時河東寇盜尙多宗
翰乃分留將士夾河屯守金史本傳復取平陸渡河由解
梁晉絳以歸雲中大金國志昏德公致書請立趙氏奉職
修貢民心必喜萬世利也宗翰受其書而不答康王
遣王師正奉表密以書招誘契丹漢人獲其書奏之
太宗下詔伐康王河北諸將欲罷陝西兵併力南伐
河東諸將不可曰陝西與西夏爲鄰事體重大史作

體大此從
宏簡錄

兵不可罷宗翰曰初與夏約夾攻宋人而

夏人弗應而耶律達實在西北交通西夏吾舍陝西

而會師河北彼必謂我有急難河北不足虞宜先事

陝西略定五路既弱西夏然後取宋宗翰蓋有意於

夏人也議久不決奏請於上上曰康王構當窮其所

往而追之俟平宋當立藩輔如張邦昌者陝右之地

亦未可置而不取於是羅索芬徽原作察師勝額作

繩博勒和原作盧火監戰平陝西尼楚赫守太原耶律

伊都留西京金史本傳宗翰自雲中下太行大金會東軍

於黎陽津遂會睿宗於濮進兵東平府知府權邦彥

棄家背遁降其城駐軍東平東南五十里復取徐州

先是宋人運江淮金幣皆在徐州官庫盡得之分給

諸軍金史本傳破襲慶府有欲伐孔子墓者誅之時漢兒

將啟孔子墓宗翰問曰孔子何人通事高慶裔曰古

之大聖人曰大聖人墓焉可伐盡殺之故闕里得全

大金志達蘭原作捷攻濟南劉豫傳宋知濟南府劉豫以城

降乃遣巴爾斯原作拔烏凌阿原作烏林答托雲原作秦瑪

武原作五龔康王於揚州未至百五十里瑪武以五百

騎先馳至城下史有揚州字康王聞兵來已於前一

夕渡江矣於是康王以書請存趙氏社稷先是康王

嘗致書元帥府稱大宋皇帝構致書大金元帥帳前
至是乃貶去大號自稱宋康王趙構謹致書元帥閣
下其四月七月兩書皆然元帥府答其書招之使降

於是達蘭宗弼巴爾斯瑪武等分道南伐宗弼之軍

渡江取建康入於杭州康王入海阿里富埒瑋

原作蒲盧

等自明州行海三百里追之弗及宗弼乃遣

金史本傳

先是康王既殺張邦昌及自明州入海亡去乃議更

立其人

劉豫傳

雲中留守高慶裔獻議於宗翰曰吾君

舉兵止欲取兩河故汴京既得而復立張邦昌後以

邦昌廢逐故再有河南之役方今兩河州郡既下之

後而官制不易風俗不改者可見吾君意非貪大亦
欲循邦昌之故事也元帥可首建此議無以恩歸他
人宗翰從之遣高慶裔詢訪河南州郡求賢人建國
州郡迎合上意共推劉豫大金志豫遷都於汴其後宋
主閻門宣贊舍人徐文將大小船六十隻軍七百人
來奔至密州界中率將佐至汴豫與元帥府書曰文
言宋主在杭州其候潮門外錢塘江內有船二百隻
宋主初走入海時於此上船過錢塘江別有河入越
州向明州定海口迤邐前去昌國縣其縣在海中宋
人聚船積糧之處今大軍可先往昌國縣攻取船糧

還趨明州城下奪取宋主御船直抵錢塘江口今自

密州上船如風勢順可五日夜到昌國縣

劉豫傳

宗翰

欲用徐文策伐江南

金史本傳

宗弼曰江南卑溼今士馬

困憊糧儲未豐足恐無成功宗翰曰都監務倫安爾

劉豫傳

乃止

金史本傳

初太宗以舍音斜原作爲安班貝勒天

會八年舍音薨久虛此位

金史本傳

十年

本紀宗翰朝京師

謂宗幹曰儲嗣虛位已久哈喇

原作合刺

先帝嫡孫當立

不早定之恐授非其人宗翰日夜未嘗忘此遂與宗

幹希尹定議入言於太宗請之再三太宗以宗翰皆

大臣所言義不可奪乃從之遂立熙宗爲安班貝勒

於是宗翰爲古倫

原作國右論

貝勒兼都元帥熙宗卽位

金史本傳入朝

依詳校本增

拜太保尙書令領三省事封晉國

王乞致仕不許天會十五年薨

傳作十四年依本紀改

年五十

八追封周宋國王

金史本傳

詔立廟大興府祀以天子禮

樂大金志

宗翰內能謀國外能謀敵決勝制勝有古名

將之風臨潢旣捷諸將皆有怠忽之心而請伐不已

越千里以襲遼王諸將皆有畏顧之心而請期不已

觀其欲置江淮專事陝服當時無有能識其意者甫

釋干戈斂衽歸朝以定熙宗之位精誠之發孰可掩

哉傳

時國事大小皆總之雖卿相拜其前而不爲禮

太宗朝宗翰之專權主不能令至於命相亦取決焉

大金志傳嘗令諸州郡置地牢深三丈分隔死囚居其下

徒居中笞杖居其上外起夾城重塹以圍之又禁竊

盜及一錢者死大金志紀濠刑毒政皆高慶裔教成之大金

志傳大定四年上謂侍臣曰秦王宗翰有功於國何乃

無嗣皆未知所對上曰朕嘗聞宗翰在西京坑殺何

降者千人得非其報耶世宗紀正隆二年何封金源郡

王大定間改贈秦王諡桓忠大金志圖像衍慶官志

配享太祖廟廷孫秉德色克原作斜哥秉德別有傳金史本傳

宗望本名斡喇布原作斡魯補又作斡里雅布原作斡離不太

祖次子也

金史本傳

性仁慈喜談佛道

大金志傳

每從太祖征

伐

金史本傳

奇其爲人

大金志傳

常在左右

軍中號爲菩薩太子

大金志傳

天輔六年三月

太祖紀

與都

統杲出青嶺遇遼兵三百餘掠降人家貲獨與馬和

尙馳擊生擒五人

宏簡錄

因審遼主尙在駕鸞灤未去

無疑也於是進兵遼主走陰山遼秦晉國王聶埒

捏自立於燕京新降州部人心不固杲使宗望請大

相臨軍宗望至京師百官入賀上曰宗望與十餘騎

經涉兵寇數千里可嘉也上宴羣臣歡甚宗望奏曰

今雲中新定諸路遼兵尙數萬遼主尙在陰山天德

之聞而請將自立於燕京新降之民其心未固是以
諸將望陛下幸軍中也上曰懸軍遠伐授以成算豈
能盡合機事朕以六月朔放行既次大灤西南臬使

希尹

原作古新

奏請徙西南招討司諸部於內地

金史上本傳

問當出何路

去簡錄

宗望對曰中京殘敝芻糧不給由

上京爲宜然新降之民遽爾騷動未降者必滋疑懼
勞師害人所失多矣上京謂臨潢府也上迺下其議
命軍帥度宜行之上聞遼主在大魚灤自將精兵萬
人襲之普嘉努

原作滿奴

宗望率兵四千爲前鋒晝夜

兼行馬多乏追及遼主於石輦驛軍士至者才千人

遼軍餘二萬五千方治營壘普嘉努與諸將議伊都

原作曰我軍未集人馬疲劇未可戰宗望曰今追及

遼主而不亟戰日入而遯則無及矣遂戰短兵接遼

兵圍之數重士皆殊死戰遼主謂宗望兵少必敗遂

與嬪御皆自高阜下平地觀戰伊都示諸將曰此遼

主麾蓋也若萃而薄之可以得志騎兵馳赴之遼主

望見大驚卽遯去遼兵遂潰宗望等還上曰遼主去

不遠亟追之宗望以騎兵千餘追之普嘉努爲後繼

至烏里質鐸不及

七字依本紀增

太祖已定燕京命幹魯爲

都統宗望副之

金史本傳

襲遼主於陰山將至青冢眾遇

混濁不敢進獨與當堪

原作當海

四騎以繩繫遼都統林

牙達實

原作大石

使爲嚮導直至其營

宏簡錄

時遼主已往

應州其嬪御諸女見敵兵奄至驚駭欲奔命騎下執

之有頃後軍至

金史本傳

降遼太叔呼拉哈

原作盧瓦

胡如聶

時

原作捏里

次如遼漢夫人並其子秦許二王女古裕

原作

骨欲伊林

原作里行

幹里延

原作里行

大額頁

原作奧野

次額

頁趙王幹里延招討達魯

原作通六

詳表魯爾錦

原作六斤節

度使伯特實古爾

原作狗兒

字疊赤宏簡錄

凡得車萬餘乘惟甯

王雅里及其長女乘軍亂亡去

金史本傳

進至索勒敏

門

里

爲書以招遼主

宏簡錄

遼主自金城來知其族屬

皆見俘卒兵五千餘決戰宗望以千兵擊之相去百

步遜去獲其子趙王質納降

原作習
泥烈

及傳國璽

金史
本傳

上於行在太祖喜錄諸帥功加以厚賞獻俘賜以遼

蜀國公主伊林遜主使穆隆阿

原作謀
盧瓦

持兔鈕金印

請降宗望受之視其文乃元帥燕國王之印復遣書

招諭以石晉北遷事又遣使諭夏國曲示和好以沮

其救遼之心進兵趨天德獲遼耶律慎思候人烏舍

原作

吳十回言夏國迎護遼主渡河傳檄諭之果欲附我

當執送遼主若猶疑貳恐有後悔無何使就問棟摩

原作

闍母敗狀就以其軍討張覺降瀕海郡縣與戰南京

城東覺敗奔入於宋城中人執其父及二子來獻宗

望殺之賞有功將士各有差移書責宋納叛且徵軍

糧請空名宣頭增信牌安撫新降之民詔以新附長

吏職員仍舊命諸路轉輸軍糧勿督於宋

宏簡錄給銀

牌十空名宣頭五十道

金史本傳

其遷潤來隰四州人徙

於濱州者俟畢農各復其業方遣使以詔書宣諭張

敦固等出降使者與得入城收兵城中人復殺之立

敦固為都統劫府庫掠居民乘城拒守引兵入千分

四隊出戰又大敗敦固等以屢嘗拒戰不敢遷降再

三開諭許其望闕遙拜乃開一門遣棟摩入奏下詔

赦南京官民罪無大小皆釋之官職如舊別飭有司
輕徭賦勸稼穡聞比歲不登若如舊徵恐民匱乏乃
度其糧數賦之射糧軍願爲民者使復田里時遷潤
來隰之民尙保山砦亦從其請特選良吏招撫俄召
赴闕宋兵三千自海道來破九寨殺馬城縣戍將圖
爾噶原作盧幹取其銀牌兵仗及馬而去又聞童貫郭藥
師治軍燕山乃首建伐宋之策奏曰若不伐宋必爲
後患上意決以監棟摩劉彥宗兩軍左簡錄自燕山路
伐宋金史本傳初破檀薊州時郭藥師已屯東郊蔡靖出
金帛犒軍行至三河藥師戈甲鮮明步伍整肅金人

初見亦懼宗望乃東向望日而拜號令諸部而進張

令徽先遁金人力追之

大金志紀

破郭藥師兵四萬五千

於白河

金史本傳

未幾藥師降

大金志傳

遂取燕山府盡收其

軍實馬萬疋甲冑五萬兵七萬州縣悉平宋中山

將王彥劉璧率兵二千來降

金史本傳

宗望留蔡靖守燕

引兵向闕以藥師爲前驅圍中山府時太史局占帝

星復明怪之已而徽宗內禪宗望大驚欲回藥師曰

南朝未必有備不如姑行至信德府不移時遂克執

守臣楊信功

大金志紀

次邯鄲宋李鄴請修舊好宗望留

軍中不遣白藥師降益知宋之虛實請以爲燕京留

守宗望字依詳及董才降益知宋之地理請任以軍

事太宗俱賜姓完顏氏皆給以金牌金史本傳天會四年

正月己巳太宗紀諸軍渡河取滑州使吳孝民入汴以

詔書問納平州張覺事令執送童貫譚楨詹度以黃

河爲界納質奉貢金史本傳先是內侍梁方平領軍在河

北鐵騎至倉卒奔潰時南面守橋者望見金人旗幟

燒斷橋纜陷沒凡數千人金人因不得濟方平既潰

何灌軍亦奔散宋師在河南者無一人遂取小舟以

濟凡五日騎兵方絕步兵猶未渡也初至邯鄲遣郭

藥師爲前驅付以千騎藥師求益復以千騎與之藥

師疾驅三百里質明遂至濟州癸酉圍宋京師藥師
先嘗打毬於牟馳岡知天駟監有馬二萬疋芻豆山
積至是導宗望奄而取之宗望曰南朝若以二千人
守河我豈得渡哉尋攻通天景陽門又攻陳橋封邱

衛州門

大金志紀

宋少帝請爲伯姪國效質納地增歲幣

請和遂割太原中山河間三鎮書用伯姪禮以康王
構太宰張邦昌爲質沈晦以誓書三鎮地圖至軍中
歲幣割地一依定約金史本傳二月丁酉與宋平退軍孟
陽是夜姚平仲兵四十萬來襲候騎覺之分遣諸將
迎擊大破平仲軍復進攻汴城問舉兵之狀少帝大

恐使宇文虛中來辨曰初不知其事且將加罪其人

宗望輟弗攻改肅王樞爲質康王構遣歸師還河北

兩鎮不下遂分兵討之罷常勝軍

傳有宗望字給遣此依宏簡錄

燕人田業命將士分屯安肅雄霸廣信之境已遣史

宗望此依宏簡錄

山西本傳

常勝軍三千人乃遼人叛歸宋

至是又叛歸金宗望乃遣各人還歸本土居住爲名

問曰天祚待汝如何曰甚厚趙皇如何曰尤厚宗望

曰天祚待汝厚汝反趙皇待汝尤厚汝又反我今以

金帛與汝等汝定是亦反我無用爾等於是皆惶恐

而退旣行遂遣四千騎以搽檢器械爲名於松亭關

皆殺之或云太子本仁慈此受粘罕教使也

大金志傳未

幾爲右副元帥有功將士遷賞有差

金史本傳

八月詔復

伐宋會諸將發自保州耶律鐸破宋兵三萬於雄州

殺萬餘人納延

原作那野

敗宋軍七千於中山高陸

原作高六

董才又破宋兵三千於廣信降其軍又旁近縣鎮宋

种師閔軍四萬駐井陘宗望大破之遂取天威軍東

還克眞定殺知府李邈得戶三萬降其五縣

宏簡錄 劉

彥宗勸宗望試眞定儒士七十二人授以救命

大金志紀

遂自眞定趨汴十一月戊辰宗望至河上降魏縣諸

軍渡河留諸將分出大名之境降臨河縣至大名縣

德清軍開德府皆克之

金史本傳

阿里庫

原作阿里剌

以騎兵

三千取胙城先趨汴破宋軍六千於路抵城覆宋兵

千人擒其數將因分遣諸將過宋援兵閏月壬辰朔

宋兵一萬自汴京出戰選勁勇五千使當堪呼嚕

原作

魯楚古爾

原作雖古失

擊敗之

宏簡錄

駐軍劉家寺粘罕繼

至環城列柵分地爲攻拔之計

大金志傳

丙辰宋京師破

大金志紀破城時屢欲血洗數次登門望城中有黃旗兵

將在空中不可洗遂止然主洗城者粘罕與劉監軍

太子不與焉蓋其性善耳

大金志傳

辛酉宋少帝詣軍前

十二月癸亥宋帝奉表降上使勛就軍中勞賜四月

大軍北還分諸將鎮守河北宗望乃西上涼涇

宏簡錄

詔曰自河之北今既分畫重念其民見城邑有被殘者遂阻命堅守其申諭招集安全之儻堅執不移自當致討若諸軍敢利於俘擄輒肆毀蕩者當底於罰

金史本傳六月庚辰

太宗紀

宗望薨宗望打碁冒熱以水沃

胸背致傷寒

大金志

往御寨離燕山七百里到涼殿病

亡族人皆勢面號哭

趙子砥燕雲錄

天會十三年封魏王皇

統三年進許國王又徙封晉國王天德二年晉大師

加遼燕國王配享太宗廟廷正隆二年例降封大定

三年改封宋王諡桓肅圖像衍慶宮

五字攸詳校本增

子齊

文京金史本傳

齊本名舒蘇

原作受速

長身美髯天眷三年以宗室子授

鎮國上將軍皇統元年遷光祿大夫正隆六年遷銀

青榮祿大夫大定初遷特進加武安軍節度使留京

師奉朝請齊以近屬上所寵遇而性庸滯無材能大

定三年罷節度官給三品俸累官特進卒弟文

金史本傳

本名呼喇

原作胡刺

皇統間授世襲穆昆加奉國上將軍

文本傳

歷官昌武武定二軍節度使留京師奉朝請降

德州防禦使

宏簡錄

京本名呼嚕

原作忽魯

累遷特進除翰

林學士承旨兼修國史加開府儀同三司

京本傳

歷工

禮兵三部尙書判大宗正事封曹王除河間尹正隆
例降藩國公北京留守居喪起復益都尹降濠州刺
史改絳陽軍布度使世宗卽位來見於桃花塢復判

大宗正事封壽王

宏高錄

皆以謀反誅世宗豈以真家

財產與齊之子耀珠

原作齧住

詔齊王曰汝等皆當緣坐

有至大辟及流竄者朕念宋王故置而不問且以其

家財產賜汝子宜悉朕意十五年上召英王爽謂曰

卿於諸王公主女子中爲耀珠擇婚其禮幣命有司

給之俄襲叔父京山東西路特默齊

原作徒母堅

明安史

本傳

宗磐本名富勒呼

原作蒲魯虎

太宗子天輔五年都統杲

取中京宗磐與宗翰宗幹宗望皆爲之副

史有幹魯字無宗望

字此依本紀改

天會十年爲古倫烏赫哩

原作國倫胡魯

貝勒熙宗

卽位爲尙書令封宋國王未幾拜太師與宗幹宗翰

並領三省事熙宗優禮宗室宗翰沒後宗磐日益跋

扈嘗與宗幹爭論於上前卽上表求退烏頁奏曰陛

下富於春秋而大臣不協恐非國家之福熙宗因爲

兩解宗磐愈驕恣其後於熙宗前持刀向宗幹都點

檢齋仲恭阿止之旣而左副元帥達蘭

原作撻懶

東京留

守宗傳入朝宗磐陰相黨與而宗傳遂爲右丞相用

事達蘭屬尊功多先薦劉豫立爲齊帝至是復倡議
以河南陝西地與宋使稱臣熙宗命羣臣議宗室大
臣皆言其不可獨宗磐宗尙助之卒以與宋其後宗
磐宗尙達蘭謀作亂宗幹希尹原作古新發其事熙宗下
詔誅之坐與宴飲者皆貶削決責有差赦其弟呼拉
布原作解魯補等九人並赦達蘭出爲行臺左丞相皇后
生日宰相諸王如主命婦入賀熙宗命去樂曰宗磐
等皆近屬輒構逆謀情不能樂也以黃金合及兩銀
鼎獻明德宮太皇太后並以金合銀鼎賜宗幹希尹

焉金史本傳

宗固本名呼噶

原作胡魯

天會十五年爲燕京留守封幽

王皇統二年爲判大宗正三年爲太保右丞相兼中

書令是歲薨

金史本傳

其弟宗魯

宗雅本名呼拉布

原作解魯

補

封代王宗偉本名阿里布

原作魯補

封虞王宗英本

名呼沙呼

原作沙虎

封滕王宗益本名阿林

原作阿鄰

封薛

王宗本本名阿噶

原作阿魯

封原王呼爾

原作鶻懶

封翼王宗

美本名呼爾察

原作里甲

封豐王寶圖美

原作土門

封鄆

王哈必蘇

原作李東

封霍王沃哩

原作幹烈

封蔡王宗哲本

名和碩鶻

原作沙

封畢王皆天眷元年受封宗順本名阿

噶岱

原作魯帶

天會二年薨皇統五年贈金紫光祿大

夫後封徐王宗磐既誅熙宗使宗固子京往燕京慰諭宗固既而翼王呼蘭復與行臺左丞相達蘭等謀反伏誅因降封太宗諸子且下詔曰燕京留守幽王宗固等或謂當絕屬籍朕所不忍宗固等但不得稱皇叔其母妻封號從而降者審依舊典復封宗雅爲代王海陵在熙宗時見太宗諸子勢彊而宗誓尤跋扈與呼蘭相繼皆以逆誅心忌之熙宗厚於宗室禮遇不衰海陵嘗與秉德唐古辯私議主上不宜寵遇太宗諸子太甚及篡立謁奠太廟韓王亨素號材武使攝右將軍密諭之曰爾勿以此職爲輕朕疑太宗

諸子太彊得卿衛左右可無慮耳遂與秘書監蕭裕
謀去宗本兄弟太宗諸子於是焉盡金史本傳君子於此
可以觀世變矣金史傳贊

